

სსიპ საქართველოს მუნიციპალური განვითარების ფონდი
შვიდ მუნიციპალიტეტში Design-Build მეთოდით 60 მოსწავლეზე გათვლილი საჯარო სკოლის შენობების
დეტალური პროექტის მომზადებისა და მის საფუძველზე სამშენებლო სამუშაოების სახელმწიფო შესყიდვის
ელექტრონული ტენდერი სატენდერო კომისიის სხდომის
ოქმონი

ქ. თბილისი

„28“ თებერვალი 2019 წ.

სხდომას ესწრებოდა:

გიორგი შენგელია - ფონდის აღმასრულებელი დირექტორი, კომისიის თავმჯდომარე;
ჯუანშერ ზურჭულაძე - ფონდის აღმასრულებელი დირექტორის პირველი მოადგილე, კომისიის თავმჯდომარის მოადგილე;
დავით ტაბიძე - ფონდის აღმასრულებელი დირექტორის მოადგილე, კომისიის წევრი;
ნიკოლოზ დოლიძე - ფონდის იურიდიული სამსახურის უფროსი, კომისიის წევრი;
პაატა იაკობაშვილი - ფონდის პროექტების შეფასების სამსახურის უფროსი, კომისიის წევრი;
ლევან შარვაძე - ფონდის ფინანსური მართვისა და ინვესტირების სამსახურის უფროსი, კომისიის წევრი;
ზურაბ კოტორაშვილი - ფონდის ადმინისტრაციის სამსახურის უფროსი, კომისიის წევრი;
ნუგა დათუაშვილი - ფონდის დონორებთან ურთიერთობისა და პროექტების მართვის სამსახურის უფროსი, კომისიის წევრი;
გრიგოლ ფერაძე - ფონდის შიდა მონიტორინგის სამსახურის უფროსი, კომისიის წევრი;
თარხან ლომთათიძე - ფონდის მშენებლობის ზედამხედველობის სამსახურის უფროსი, კომისიის წევრი;
გიორგი ბარიშვილი - ფონდის ფინანსური მართვისა და ინვესტირების სამსახურის ფინანსური აღრიცხვის მენეჯერი, კომისიის წევრი.
ირაკლი ფარესიშვილი - ფონდის შესყიდვების სამსახურის უფროსი, კომისიის წევრი, კომისიის მდივანი.
შესყიდვების სამსახურის სპეციალისტები ირაკლი თუშურაშვილი; ვასილ ანდლულაძე; ნესტორ ფაცაცია, სატენდერო კომისიის აპარატის წევრები

დღის წესრიგი:

საქართველოს შვიდ მუნიციპალიტეტში Design-Build მეთოდით 60 მოსწავლეზე გათვლილი საჯარო სკოლის შენობის დეტალური პროექტის მომზადებისა და მის საფუძველზე სამშენებლო სამუშაოების სახელმწიფო შესყიდვის მიზნით ელექტრონული ტენდერის ჩატარების მეთოდის განსაზღვრა და სატენდერო პირობების დამტკიცება.

მოისმინეს: სატენდერო კომისიის წევრის პაატა იაკობაშვილის ინფორმაცია - სამშენებლო სამუშაოების დროულად ჩატარების უზრუნველსაყოფად მიღებული გადაწყვეტილებების საფუძველზე - სსიპ საქართველოს მუნიციპალური განვითარების ფონდის პროექტების შეფასების სამსახურის მიერ შემუშავებულ იქნა შვიდი ელექტრონული ტენდერის ტექნიკური დავალებები, რომელიც გულისხმობს ერთი ხელშეკრულების ფარგლებში ე.წ. Design-Build მეთოდით 60 მოსწავლეზე გათვლილი საჯარო სკოლის შენობის დეტალური პროექტის მომზადებას და მის საფუძველზე სამშენებლო სამუშაოების მიწოდებას საქართველოს შემდეგ მუნიციპალიტეტებში:

1. ასპინძის მუნიციპალიტეტი სოფ. ორგორას საჯარო სკოლა (ს/კN 60. 07. 31. 027);
2. ადიგენის მუნიციპალიტეტი სოფ. ღორთუბნის საჯარო სკოლა (ს/კN 61. 02. 21.004);
3. ახმეტის მუნიციპალიტეტი სოფ. ოსიაურის საჯარო სკოლა (ს/კN 50. 10. 48. 005);
4. ცაგერის მუნიციპალიტეტი სოფ. ლაილაშის საჯარო სკოლა (ს/კN 89. 05. 27. 010);
5. წალენჯიხის მუნიციპალიტეტი სოფ. ჯგალის საჯარო სკოლა (ს/კN 47.13.36.148);
6. აბაშის მუნიციპალიტეტი სოფ. მაცხოვრისკარის საჯარო სკოლა (ს/კN40.07.35.198);
7. გორის მუნიციპალიტეტი სოფ. ოთარაშენის საჯარო სკოლა (შერწყმული თედოწმინდის დაწყებითი სკოლა) (ს/კN 66.44. 02. 190);

შვიდივე საჯარო სკოლის შენობის დეტალური პროექტის მომზადებას და მის საფუძველზე სამშენებლო სამუშაოების შესყიდვის ტექნიკური დავალების შემუშავებისას, ასევე შესყიდვის ობიექტის სავარაუდო ღირებულების დაანგარიშებისას გამოყენებული იქნა ანალოგია ოზურგეთის მუნიციპალიტეტის სოფელ ჭანიეთის საჯარო სკოლის საპროექტო-სახარჯთაღრიცხვო დოკუმენტაციიდან. ტექნიკურ დავალებებზე თანდართული არის ოზურგეთის მუნიციპალიტეტის სოფელ სოფ. ჭანიეთის საჯარო სკოლის საპროექტო დოკუმენტაციის ნაწილი (არქიტექტურული პროექტი და განმარტებითი ბარათი), რომელიც წარმოადგენს ნიმუშს და მასში მოცემული მონაცემების გამოყენებით შესაძლებელია ხელი შეუწყოს მიმწოდებლის მიერ საპროექტო დოკუმენტაციის დროულად შესრულებას. შესყიდვის ობიექტის მიწოდების ვადად შვიდივე შესყიდვის ობიექტისათვის განისაზღვრა 14 კალენდარული თვე, მათ შორის დეტალური პროექტის მომზადებისთვის განსაზღვრული არის არაუმეტეს 4 თვე, ხოლო სამშენებლო სამუშაოებისთვის 10 თვე. შესყიდვის ობიექტის სავარაუდო ღირებულება დაანგარიშებული იქნა არსებული ანალოგიაზე დაყრდნობით განსაზღვრული სამშენებლო სამუშაოების ღირებულებისა და საპროექტო მომსახურებისთვის მშენებლობისათვის საპროექტო სამუშაოთა ფასთა კრებულში მოცემული მონაცემების გათვალისწინებით. კერძოდ, თითოეული საჯარო სკოლის სამშენებლო სამუშაოების სავარაუდო ღირებულება ანალოგის მიხედვით შეადგენს 1 220 000 ლარს. რაც შეეხება საპროექტო მომსახურების ღირებულებას, მისი

დაანგარიშება განხორციელდა დასაპროექტებელი ობიექტის სამშენებლო სამუშაოების საორიენტაციო ღირებულებისა და საქართველოს ურბანიზაციის და მშენებლობის მინისტრის 1997 წლის "მშენებლობისათვის საპროექტო სამუშაოების ფასთა კრებული"-ს მიხედვით გათვალისწინებული ინფორმაციის საფუძველზე. კერძოდ, სამუშაო პროექტის ღირებულების განსაზღვრისთვის გამოყენებული იქნა "მშენებლობისათვის საპროექტო სამუშაოების ფასთა კრებული"-ს ცხრილი 3, -ობიექტის ნომენკლატურა, განათლების ობიექტების 7.2. კატეგორია 3. თავი 1. ცხრილი N1 საპროექტო სამუშაოთა ღირებულება %-ში 1,22 მილიონი ლარისთვის ინტერპოლაციით არის 4,152%. შესაბამისად სამუშაო პროექტის ღირებულება განისაზღვრა 50 655 ლარის ფარგლებში (1 220 000*4,152%). ესკიზური პროექტის ღირებულება დაანგარიშებული იქნა საპროექტო სამუშაოების ღირებულებიდან 10%-ის ფარგლებში (თავი. 2 პუნქტი .2.5) და შეადგინა 5 065 ლარი (50654*10%). ტექნიკური დავალებით ასევე გასატარებელი არის ცალკეული ღონისძიებები (სადიებო-კვლევითი სამუშაოები, ცალკეული ნაწილის ექსპერტიზა) რომელთა სავარაუდო ღირებულება შეადგენს დაახლოებით 4 030 ლარს. შესაბამისად საპროექტო მომსახურების ღირებულება განისაზღვრა 59 750 ლარით. ზემოაღნიშნულის გათვალისწინებით ერთი ხელშეკრულების ფარგლებში Design-Build მეთოდით 60 მოსწავლეზე გათვლილი თითოეული საჯარო სკოლის შენობის დეტალური პროექტის მომზადებისა და მის საფუძველზე სამშენებლო სამუშაოების სავარაუდო ღირებულება განისაზღვრა 1'279'750.0 ლარის ფარგლებში (1220000+59750.0=1279750.0 ლარი)

სატენდერო კომისიის წევრებმა აღნიშნეს:

მიზანშეწონილია შვიდივე შესყიდვის ობიექტზე (1. ასპინძის მუნიციპალიტეტი სოფ. ორგორას საჯარო სკოლა (ს/კN 60. 07. 31. 027); 2. ადიგენის მუნიციპალიტეტი სოფ. ღორთუბნის საჯარო სკოლა (ს/კN 61. 02. 21.004); 3. ახმეტის მუნიციპალიტეტი სოფ. ოსიაურის საჯარო სკოლა (ს/კN 50. 10. 48. 005); 4. ცაგერის მუნიციპალიტეტი სოფ. ლაილაშის საჯარო სკოლა (ს/კN 89. 05. 27. 010); 5. წალენჯიხის მუნიციპალიტეტი სოფ. ჯგალის საჯარო სკოლა (ს/კN 47.13.36.148); 6. აბაშის მუნიციპალიტეტი სოფ. მაცხოვრისკარის საჯარო სკოლა (ს/კN40.07.35.198); 7. გორის მუნიციპალიტეტი სოფ. ოთარაშენის საჯარო სკოლა (ს/კN 66.44. 02. 190)) ელექტრონული ტენდერი გამოცხადდეს სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ 39-ე მუხლით გათვალისწინებული პირობების შესაბამისად, ელექტრონული ვაჭრობის დაფარული მონაცემებით, დამატებითი რაუნდების გარეშე.

დაადგინეს:

სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ მე-3 მუხლის მე-2 პუნქტის თანახმად, (1) ასპინძის მუნიციპალიტეტი სოფ. ორგორას საჯარო სკოლის (ს/კ 60.07.31.027); (2) ადიგენის მუნიციპალიტეტი სოფ. ღორთუბნის საჯარო სკოლის (ს/კ 61.02.21.004); (3) ახმეტის მუნიციპალიტეტი სოფ. ოსიაურის საჯარო სკოლის (ს/კ 50.10.48.005); (4) ცაგერის მუნიციპალიტეტი სოფ. ლაილაშის საჯარო სკოლის (ს/კ 89.05.27.010); (5) წალენჯიხის მუნიციპალიტეტი სოფ. ჯგალის საჯარო სკოლის (ს/კ 47.13.36.148); (6) აბაშის მუნიციპალიტეტი სოფ. მაცხოვრისკარის საჯარო სკოლის (ს/კ 40.07.35.198); (7) გორის მუნიციპალიტეტი სოფ. ოთარაშენის საჯარო სკოლის (ს/კ 66.44.02.190) ელექტრონული ტენდერის პროცედურები ჩატარდეს ამავე წესის 39-ე მუხლით გათვალისწინებული მეთოდით, ელექტრონული ვაჭრობის დაფარული მონაცემებით, დამატებითი რაუნდების გარეშე NAT აბრევიატურით.

მოისმინეს: სატენდერო კომისიის აპარატის წევრის ნესტორ ფაცაციაშვილის ინფორმაცია - ელექტრონული ტენდერის პირობების, კერძოდ ტენდერის ჩატარების შესახებ განცხადებების ტექსტისა და სატენდერო დოკუმენტაციის პროექტების შესახებ და სატენდერო კომისიის წარუდგინა სახელმწიფო შესყიდვების ერთიან ელექტრონულ სისტემაში ატვირთული სატენდერო პირობების პროექტები.

განიხილეს: ტენდერის ჩატარების შესახებ განცხადებების და სატენდერო დოკუმენტაციის პროექტები, სატენდერო კომისიის წევრებმა ერთხმად მისაღებად ჩათვალეს ტენდერის ჩატარების შესახებ განცხადებებით და სატენდერო დოკუმენტაციებით გათვალისწინებული პირობები და ძირითადი და მნიშვნელოვანი სატენდერო პირობების დასაბუთების მიზნით აღნიშნეს:

1. თითოეული შესყიდვის ობიექტის სავარაუდო ღირებულების გათვალისწინებით, „სახელმწიფო შესყიდვების შესახებ“ კანონის 15¹ მუხლის მე-3 პუნქტის „დ“ ქვეპუნქტის და 24¹ მუხლის პირველი პუნქტის თანახმად, ელექტრონული ტენდერის ჩატარების შესახებ განცხადებისა და სატენდერო დოკუმენტაციის გასაცნობად, აგრეთვე სატენდერო წინადადების წარსადგენად განსაზღვრულია არანაკლებ 20 კალენდარული დღე.

2. თითოეული შესყიდვის ობიექტის თავისებურების გათვალისწინებით, ერთი ხელშეკრულების ფარგლებში უნდა განხორციელდეს, როგორც საპროექტო მომსახურება (CPV 71200000) ასევე, მომზადებული პროექტის ფარგლებში სამშენებლო სამუშაოების (CPV 45200000) შესყიდვა. იმ გარემოებიდან გამომდინარე, რომ სხვადასხვა CPV კოდის ფარგლებში შეუძლებელი არის ერთი შესყიდვის განხორციელება, მიზანშეწონილი არის შესყიდვის პროცედურის გამოცხადების დროს გამოყენებული იმ ობიექტის CPV კოდი, რომლის სავარაუდო ღირებულებაც უფრო მაღალია, შესაბამისად მიზანშეწონილი არის ელექტრონული ტენდერი გამოცხადდეს შესყიდვის ობიექტის ერთგვაროვნების განმსაზღვრელი კლასიფიკატორის CPV 45200000 დანაყოფის ფარგლებში, კერძოდ CPV 45214200 კლასიფიკატორის კოდით.

3. თითოეული შესყიდვის ობიექტის დაფინანსება განსაზღვრულია სახელმწიფო ბიუჯეტიდან გამოყოფილი ასიგნების ფარგლებში.
4. წინადადების წარმოდგენა უნდა განხორციელდეს დამატებითი ღირებულების გადასახადის (დ.დ.გ.) ჩათვლით, ხოლო წინადადების ფასის კლების ბიჯის ოდენობა განსაზღვრულია 10 000 ლარის ოდენობით.
5. თითოეული შესყიდვის ობიექტის მიწოდების ვადა განსაზღვრულია 14 კალენდარული თვით, მათ შორის დეტალური პროექტის მომზადებისთვის განსაზღვრული არის არაუმეტეს 4 თვე, ხოლო სამშენებლო სამუშაოებისთვის არაუმეტეს 10 თვე.
6. თითოეული შესყიდვის ობიექტის მოცულობა, განსაზღვრულია სატენდერო დოკუმენტაციის დანართებით (ტექნიკური დავალება დანართი N1 და ტექნიკური დავალების დანართები N1 და N2 დეტალური და ზოგადი სპეციფიკაციები).
7. თითოეულ შესყიდვის ობიექტთან დაკავშირებით პრეტენდენტებისათვის დროულად ინფორმაციის მიწოდების მიზნით, განცხადების დამატებითი ინფორმაციის ველში გათვალისწინებულია ინფორმაცია შესყიდვის ობიექტის დასახელების და შესრულებულ სამუშაოებზე საგარანტიო ვადების შესახებ.
8. ტექნიკური დავალება განსაზღვრულია სატენდერო დოკუმენტაციის დანართის N1 და სატენდერო დოკუმენტაციის დანართების - დანართი N1 დეტალური სპეციფიკაციები და დანართი N2 ზოგადი სპეციფიკაციების სახით. დამატებით ასევე გათვალისწინებული არის საჯარო სკოლის საორიენტაციო საპროექტო დოკუმენტაციის ნიმუში, რომელიც ასევე ატვირთულია ერთიან ელექტრონულ სისტემაში.
9. თითოეულ ტენდერზე წინადადების ფასის წარმოდგენა უნდა განხორციელდეს შესაბამისი დანართის N1 (ფასების ცხრილი) თანახმად, რომელიც შედგება 2 პუნქტისგან - „საჯარო სკოლის შენობის დეტალური პროექტის დამუშავება“ და „სამშენებლო სამუშაოები“, ამასთანავე შესყიდვის ობიექტის სავარაუდო ღირებულების დაანგარიშების გათვალისწინებით, ფასების დანართში N1 (ფასების ცხრილი) მითითებული არის, რომ საჯარო სკოლის შენობის დეტალური პროექტის ღირებულება დამატებითი ღირებულების გადასახადის ჩათვლით (დ.დ.გ.) არ უნდა აღემატებოდეს საერთო სახარჯთაღრიცხვო ღირებულების 4,1%-ს
10. პრეტენდენტის გამოცდილების მოთხოვნა განისაზღვრა შესყიდვის ობიექტის და მოცულობის გათვალისწინებით, მოთხოვნის ჩამოყალიბება განისაზღვრა ორი კომპონენტის ფარგლებში:
- კომპონენტი N1-** პრეტენდენტს 2015 წლის პირველი იანვრიდან, ტენდერისთვის „წინადადებების მიღება დასრულებულია“ სტატუსის მინიჭების თარიღამდე პერიოდში მიწოდებული უნდა ქონდეს რკინა-ბეტონის კონსტრუქციით მოწყობილი სამოქალაქო ან საზოგადოებრივი დანიშნულების შენობ(ებ)ის მშენებლობის ან რეკონსტრუქციის სამუშაოების საპროექტო მომსახურება, რომელიც სავალდებულოდ უნდა მოიცავდეს რკინა-ბეტონის მზიდი კონსტრუქციების, საინჟინრო კომუნიკაციებისა და ექსტერიერის მოპირკეთების სამუშაოების პროექტირებას. მიწოდებული მომსახურების ღირებულება არაუმეტეს 2 (ორი) დასრულებული ხელშეკრულების ფარგლებში ჯამურად უნდა შეადგენდეს არანაკლებ 50 000 ლარს, ამასთანავე თითოეული დასრულებული ხელშეკრულების ფარგლებში კომპონენტით N1 გათვალისწინებული მომსახურების ღირებულება უნდა შეადგენდეს არანაკლებ 25 000 ლარს. პრეტენდენტი უფლებამოსილი არის კომპონენტით N1 გათვალისწინებული შინაარსის მომსახურების მიწოდება დაადასტუროს 1 (ერთი) დასრულებული ხელშეკრულების ფარგლებში, ასეთ შემთხვევაში 1 (ერთი) დასრულებული ხელშეკრულების ფარგლებში მიწოდებული მომსახურების ღირებულება უნდა შეადგენდეს არანაკლებ 50 000 ლარს.
- კომპონენტი N2** - პრეტენდენტს 2015 წლის პირველი იანვრიდან, ტენდერისთვის „წინადადებების მიღება დასრულებულია“ სტატუსის მინიჭების თარიღამდე პერიოდში შესრულებული უნდა ქონდეს არანაკლებ III კლასის რკინა-ბეტონის კონსტრუქციით მოწყობილი სამოქალაქო ან საზოგადოებრივი დანიშნულების შენობ(ებ)ის მშენებლობის ან რეკონსტრუქციის სამუშაო, რომელიც სავალდებულოდ უნდა მოიცავდეს რკინა-ბეტონის მზიდი კონსტრუქციების, საინჟინრო კომუნიკაციებისა და ექსტერიერის მოპირკეთების სამუშაოებს. მიწოდებული სამუშაოების ღირებულება არაუმეტეს 1 (ერთი) დასრულებული ხელშეკრულების ფარგლებში უნდა შეადგენდეს არანაკლებ 1 000 000 ლარს, ამასთანავე სამუშაო სავალდებულოდ მიწოდებული უნდა იყოს საქართველოს, ევროკავშირის (EU) ან OECD-ს წევრ სახელმწიფოთა ტერიტორიაზე (EU) ან OECD-ს შემთხვევაში ჩაითვლება ყველა წევრი ქვეყანის ტერიტორია გარდა საკუთარი ქვეყნის ტერიტორიისა).
- სატენდერო დოკუმენტაციის თანახმად განმარტებული არის OECD-ს წევრის ქვეყნების ჩამონათვალი, კომპონენტით N1 გათვალისწინებული სამუშაოს შინაარსი, ანალოგიური სამუშაოს დამადასტურებელი დოკუმენტები და მათი წარმოდგენისას გასათვალისწინებელი მოთხოვნები.
11. სატენდერო დოკუმენტაციით განსაზღვრული არის პრეტენდენტის ფინანსურ შესაძლებლობებთან დაკავშირებული მოთხოვნები, რომლის ჩამოყალიბება განხორციელდა შესყიდვის ობიექტის მნიშვნელობის, მოცულობისა და სირთულის გათვალისწინებით. სამუშაოების შეუფერხებლად წარმოება და დადგენილ დროში დასრულება მნიშვნელოვნად არის დამოკიდებული პრეტენდენტის ფინანსურ შესაძლებლობებზე, მნიშვნელოვანია დადგინდეს პრეტენდენტის მიერ ერთდროულად ერთი ან მეტი ხელშეკრულებით გათვალისწინებული სამუშაოების შესრულების შესაძლებლობა (პრეტენდენტის წლიური კუმულატიური შესაძლებლობა AT1), რომელიც უნდა შეადგენდეს არანაკლებ ელექტრონული ტენდერის სავარაუდო ღირებულების 30%-ს, კერძოდ არანაკლებ 383 925,0 ლარს.
- პრეტენდენტის წლიური კუმულატიური შესაძლებლობების (AT1), კერძოდ, პრეტენდენტის მიერ ერთდროულად ერთი ან მეტი ხელშეკრულებით გათვალისწინებული სამუშაოების შესრულების შესაძლებლობის დადგენის მიზნით

უნდა განისაზღვროს სამი წლის (2016; 2017 და 2018 წლები) საშუალო წლიური ბრუნვა (AT2) და დადგინდეს პრეტენდენტის მიმდინარე ან მოსალოდნელი ვალდებულებები.

სამი წლის (2016; 2017 და 2018 წლები) საშუალო წლიური ბრუნვის (AT2) დადგენის მიზნით სატენდერო დოკუმენტაციის თანახმად წარმოდგენილი უნდა იყოს შესაბამისი წლების აუდირებული ფინანსური ანგარიშგება აუდიტორულ დასკვნასთან ერთად ან შესაბამისი წლების საგადასახადო მოგების დეკლარაცია, ხოლო 2018 წლის ბრუნვის დადგენის მიზნით თუ არ არის ჩატარებული 2018 წლის აუდირებული ფინანსური ანგარიშგება შესაძლებელი არის წარმოდგენილი იყოს 2018 წლის დამატებითი ღირებულების გადასახადის (დ.დ.გ.) დეკლარაციები.

პრეტენდენტის მიმდინარე ვალდებულებების ან მოსალოდნელი ხელშეკრულებების ფარგლებში შესასრულებელი ვალდებულებების (OW) დადგენის მიზნით განსაზღვრული არის სატენდერო დოკუმენტაციის დანართი N3, რომლის შევსებაც უნდა უზრუნველყოს პრეტენდენტმა. სატენდერო დოკუმენტაციის თანახმად მოცემული არის დანართის N3 შევსების ინსტრუქცია, რომლის თანახმადაც უნდა უზრუნველყოს პრეტენდენტმა მიმდინარე და მოსალოდნელი ხელშეკრულებების ფარგლებში შესასრულებელი ვალდებულებების შესახებ ინფორმაციის წარმოდგენა.

სატენდერო დოკუმენტაციის თანახმად დანართი N3 დაზუსტებას არ ექვემდებარება, აღნიშნული ინფორმაციის არასათანადოდ შევსების, ასევე ვალდებულებების შემცირების მიზნით არასწორად შევსების და/ან წარმოუდგენლობის შემთხვევაში განხორციელდება პრეტენდენტის დისკვალიფიკაცია ტენდერის პროცედურებიდან. იმ შემთხვევაში თუ პრეტენდენტის გამარჯვებულად გამოვლენამდე სატენდერო კომისიის მიერ დადგინდა, რომ პრეტენდენტს მოსალოდნელი ხელშეკრულების ფარგლებში შესაძლებელია დამატებით წარმოექმნას ისეთი ვალდებულება, რომლის გათვალისწინებასაც პრეტენდენტი ვერ უზრუნველყოფდა წინადადების წარდგენის თარიღისთვის (წინადადების წარდგენის ვადის დასრულების შემდეგ პრეტენდენტის გამარჯვებულად გამოვლენამდე პრეტენდენტი რომელიმე შემსყიდველი ორგანიზაციის მიერ გამოვლენილი იქნა გამარჯვებულად და/ან მოწვეული იქნა ხელშეკრულების გასაფორმებლად), ან სატენდერო კომისიამ დაადგინა, რომ პრეტენდენტის მოსალოდნელი ვალდებულება შემცირდა, (წინადადების წარდგენის ვადის დასრულების შემდეგ პრეტენდენტის გამარჯვებულად გამოვლენამდე პრეტენდენტმა უზრუნველყო მიმდინარე ვალდებულებების შემცირება) სატენდერო კომისია დანართის N3 დაზუსტების მოთხოვნის გარეშე, თავად უზრუნველყოფს პრეტენდენტის მიმდინარე ან მოსალოდნელი ვალდებულებების კორექტირებას, კერძოდ დამატებითი ვალდებულებების არსებობის შემთხვევაში უზრუნველყოფს აღნიშნული ვალდებულებების დაჯამებას, ხოლო ვალდებულებების შემცირების შემთხვევაში შესაბამისად შეამცირებს მოსალოდნელი ვალდებულებებს.

პრეტენდენტის მიერ ერთდროულად ერთი ან მეტი ხელშეკრულებით გათვალისწინებული სამუშაოების შესრულების შესაძლებლობის (პრეტენდენტის წლიური კუმულატიური შესაძლებლობა AT1) შეფასება განხორციელდება შემდეგი ფორმულის მიხედვით:

$$AT1 = AT2 - OW$$

სადაც:

AT1 არანაკლებ 383 925,0 ლარი - არანაკლებ ელექტრონული ტენდერის სავარაუდო ღირებულების 30% ;

AT2 - პრეტენდენტის 2016; 2017 და 2018 წლის საშუალო წლიური ბრუნვა.

OW - მიმდინარე და მოსალოდნელი ხელშეკრულებების ფარგლებში შესასრულებელი ვალდებულებების ჯამური ღირებულება დანართით N4 გათვალისწინებული მოთხოვნების შესაბამისად.

12. ხელშეკრულების შესრულების უზრუნველყოფის საბანკო გარანტიის მოცულობა განისაზღვრა გასაფორმებელი ხელშეკრულების ღირებულების 5%-ის ოდენობით, ხოლო სავარაუდო ღირებულებას შორის 20%-ით ან მეტი ოდენობით სხვაობის შემთხვევაში, საბანკო გარანტიის ოდენობა განსაზღვრულია გასაფორმებელი ხელშეკრულების ღირებულების 10%-ის ოდენობით.) ხელშეკრულების შესრულების უზრუნველყოფის გარანტიის შინაარსი დამატებით მოცემულია სატენდერო დოკუმენტაციის დანართში N5.

13. იმ გარემოების გათვალისწინებით, რომ თითოეული შესყიდვა ხორციელდება ერთი ხელშეკრულების ფარგლებში Design-Build მეთოდით და არ არის მოთხოვნილი დეტალურად ჩაშლილი ხარჯთაღრიცხვა, წინადადების ფასსა და სავარაუდო ღირებულებას შორის 20%-ით ან მეტი ოდენობით სხვაობის შემთხვევაში სატენდერო პირობებით არ არის მოთხოვნილი ფასწარმოქმნის ადეკვატურობის დამადასტურებელი დოკუმენტების წარმოდგენის ვალდებულება.

14. ანგარიშსწორების ზოგადი პირობები მოცემული არის დოკუმენტაციის 7.1.1.; 7.2. და 7.3. პუნქტებში ხოლო დეტალური პირობები მოცემული არის ხელშეკრულების პროექტში, რომელიც წარმოადგენს სატენდერო დოკუმენტაციის განუყოფელ ნაწილს.

15. სატენდერო დოკუმენტაციის თანახმად არ მოითხოვება სარეგისტრაციო/უფლებრივი მონაცემების ამსახველი დოკუმენტ(ებ)ი.

დაადგინეს:

1. Design-Build მეთოდით 60 მოსწავლეზე გათვლილი (1) ასპინძის მუნიციპალიტეტი სოფ. ორგორას საჯარო სკოლის (ს/კ 60.07.31.027); (2) ადიგენის მუნიციპალიტეტი სოფ. ღორთუზნის საჯარო სკოლის (ს/კ 61.02.21.004); (3) ახმეტის მუნიციპალიტეტი სოფ. ოსიაურის საჯარო სკოლის (ს/კ 50.10.48.005); (4) ცაგერის მუნიციპალიტეტი სოფ. ლაილაშის საჯარო სკოლის (ს/კ 89.05.27.010); (5) წალენჯიხის მუნიციპალიტეტი სოფ. ჯგალის საჯარო სკოლის (ს/კ 47.13.36.148); (6) ბაშის მუნიციპალიტეტი სოფ. მაცხოვრისკარის საჯარო სკოლის (ს/კ 40.07.35.198); (7) გორის მუნიციპალიტეტი

სოფ. ოთარაშენის საჯარო სკოლის (ს/კ 66.44.02.190) დეტალური პროექტის მომზადებისა და მის საფუძველზე სამშენებლო სამუშაოების სახელმწიფო შესყიდვის მიზნით დამტკიცდეს NAT აბრევიატურით შვიდი ელექტრონული ტენდერის ჩატარების შესახებ განცხადების ტექსტები და სატენდერო დოკუმენტაციების პროექტები.

2. დაევალოს სატენდერო კომისიის უზრუნველყოს წინამდებარე სატენდერო კომისიის სხდომის ოქმის ატვირთვა და ელექტრონული ტენდერების სატენდერო პირობების (ტენდერის ჩატარების შესახებ განცხადებების ტექსტი და სატენდერო დოკუმენტაციები) რეგისტრაცია სახელმწიფო შესყიდვების ერთიან ელექტრონულ სისტემაში.

კომისიის თავმჯდომარე



/გიორგი შენგელია/

კომისიის თავმჯდომარის
მოადგილე




/გიორგი შენგელია/

კომისიის წევრი



/დავით ტაბიძე/

კომისიის წევრი



/ნუცა დათუაშვილი/

კომისიის წევრი



/ნიკოლოზ დოლიძე/

კომისიის წევრი



/პაატა იაკობაშვილი/

კომისიის წევრი



/ზურაბ კოტორაშვილი/

კომისიის წევრი



/ლევან შარვაძე/

კომისიის წევრი



/გრიგოლ ფერაძე/

კომისიის წევრი



/გიორგი ბარიშვილი/

კომისიის მდივანი



/ირაკლი ფარესიშვილი/

კომისიის აპარატის წევრი



/ირაკლი თუშურაშვილი/

კომისიის აპარატის წევრი



/ვასილ ანდლუაძე/

კომისიის აპარატის წევრი



/ნესტორ ფაცაცია/